



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Obligatione Officij diuini. 4.

urn:nbn:de:hbz:466:1-9521

res spiritus contra nos, quæ ratio est *Mi-
ob. Timothei in spec. ordinandi 3. part. tract.
6. cap. 4.* vbi & addit Sextam causam, ad
septiformem sancti Spiritus gratiam,
obtinendam. Denique septem fuere
partes Orationis Dominicæ à Christo
traditæ.

6 Adhuc in vna quaque hora septem,
vel octo particule numerantur à *Rubert.
lib. 1. de diu. offic. cap. 2.* hoc est: Deus in
adiutorium, Hymnus, Psalmi, Antiphona,
Capitulum, Responsorium breue,
Oratio completiua. in Laudibus autem,
Vesperis, & Completorio, adduntur
Cantica Euangelica, quia, *inquit Rupert.
canuntur pro octaua, & spectant ad bea-
titudinem; de quibus & nos dicemus in-
fra Sectione quarta.*

De obligatione Officij diuini.
Cap. I V.

1 Non esse iuris diuini officium di-
uinum, sed tantum iuris esse Ca-
nonici, communior est opinio. Vide
Azor. cap. 1. quest. ult.

2 Illud autem hodie est legitimum of-
ficium diuinum, quod Pij V. iussu est edi-
tum, Clem. VIII. & Urbani VIII. aucto-
ritate recognitum, & ad hoc tenentur,
quicumque tenentur recitare Canoni-
cas Horas, exceptis ijs, qui ante ducentos
annos alia vsi sunt officij diuini formula.
Hæc in *Bulla Pij V.* plura inferius, vbi de
Breviario Romano *Secl. 2. cap. 2.*

3 Tenentur autem ad Horas Canoni-
cas recitandas primò Beneficiati, qui ti-
tulum habent Ecclesiastici beneficij, siue
sit beneficium tenue, & est communior
opinio. *Nauarr. de orat. cap. 7. num. 27.*
siue sit præstimonium. *idem cap. 21. n. 9.*
& Pius V. in *Bulla*, siue sit commenda-
tum. *Nauarrus cap. 20. nu. 16.* siue sit ma-
nuale, vel amouibile. *Azor. cap. 4. quest. 2.*
scilicet. 11. de orat. ad finem. siue nondum
percipiantur fructus, cum spe tamen per-
cipiendi, *idem cap. 7. num. 30.* siue fru-
ctus fiat reseruati alicui. *Azor. cap. 4. q. 5.*
siue nunquam sint percipiendi de con-

sensu, vel ob culpam beneficiarij. *Azor.
ibidem.* siue titulum tantum habeant
cum suffragio in Capitulo, *idem ibid.*

4 Non tenetur Coadiutor, vt Coadiu-
tor, *Nauarr. cap. 20. num. 17.* neque Pen-
sionarius. *ibidem cap. 7. num. 25.*

5 Porro incipit sibi prædictis obligatio
die possessionis iadepæ (quam debent
procurare citius, ne cum culpa differatur)
ex consuetudine Romanæ Curie; testan-
te *Parisiens. lib. 1. de resignat. benef. q. 9.
num. 15.* immo ab Hora, quæ respondet
horæ, in qua possessio capta est, *Bonac.
loco mox citando par. 4. num. 10.*

6 Qui plura habet beneficia, ad vnum
Officium recitandum est tantummodo
obligatus, *Palud. 4. dist. 25. q. 5. quem se-
quuntur alij apud Bonacim. disp. de Hor.
canon. 1. q. 2. par. 4. num. 27.* qui addit nu-
mero 28. eum, qui duo habet beneficia,
alterum iustè, iniustè alterum, teneri ad
recitanda duo Officia. vide ibi optimam
causam.

7 Initiati sacris Ordinibus tenentur ad
Horas Canonicas ex præcepto S. Grego-
rij Papæ, vt docet *Cornel. Scultingius to.
1. Biblioth. Eccles. part. 1. cap. 24.* vbi ci-
tat in hanc Historiam de S. Gregorij præ-
cepto Hermanum Gigantem in flore
temporum. Præcipitur iisdem, in *Con-
cil. Basiliensi cap. qualiter.* at ex sola con-
suetudine eos obligari vult. *Nauarr.
cap. 7. num. 2.*

8 Si censuris innodati sint, adhuc te-
nentur. *Sylu. Hora quest. 3.*

9 Incipit autem eorum obligatio, sta-
tim ac ordinati sunt Subdiaconi, scilicet
ad eam Horam, quæ in Choro tunc tem-
poris dicenda esset, *Azor. lib. 10. cap. 13.
quest. 17.* quod si anticipent, recitando
Horas antequam iniciantur, adhuc ite-
rum debent easdem recitare, *Bonac. loco
citato par. 5. num. 11.*

10 Regulares quoque professi, tam
mares, quam femine, Choro addicti,
tenentur ad Horas Canonicas recitan-
das. *Nauarr. cap. 7. num. 21.* ex consue-
tudine vbique recepta, ait *Caiet. V. Horæ.*
si verò eijciantur per sententiam, aut ad
tristitias compellantur, non tenentur.

Sot. libr. 10. de iust. quest. 5. art. 3. quem sequitur Bonac. disp. 1. quest. 2. punct. 2. num. 3. nisi sint in ordine sacro, ibidem. Volunt autem eiusmodi reos teneri. Nauarr. cap. 7. num. 20. Aror. cap. 6. quest. 7. & alij, quibus contentio.

Incipit in his obligatio ab hora, qua professionem votorum solemnem emisserunt, vt in similibus dictum est supra num. 5. & 9.

De defectibus in Officio diuino continentibus. Cap. V.

Reuocari possunt defectus omnes in hac materia ad nouem Titulos, nempe, omissionem, mutationem, intentionem, attentionem, prolationem, tempus, locum, ordinem Horarum, & interruptionem, de quibus hoc loco breuissimè, & quasi per Aphorismos. Fufius ad hæc stimulos addit, hoc est, rationes, & argumenta ad perfectum Hymnodia vsus. Anacletus Siccus nostræ Congregationis in libro edito de Ecclesiastica Hymnodia, cantantibus in choro valde utili, & propè necessario.

De Omissione. Tit. I.

Quotidiana recitandi Officij diuina obligatio cœpit Anno Domini 540. ex Siegerto in Chronicis. quare, qui totum officium vnus diei omittit, etiam absque contemptu, sine iusta causa per solam negligentiam, peccat lethaliter. Nauarr. cap. 7. num. 1. & est communis; vnũque peccatum est, sed grauius, si vnica voluntate omisit totum. ibidem num. 6. at in Subdiacono, & Beneficiario simul, est duplex peccatum, ob duas obligationes, Ordinis, & Beneficij, quod & in sequentibus nota. DD. apud Bonac. loco cit. quest. 5. punct. 1. num. 4. non autem, si plura habeat beneficia, vt diximus supra cap. 4. num. 6.

Idem dic de eo, qui omittit Horam integram. Nauarr. loco citato numero 1.

Idem de eo, qui omittit Horæ partem notabilem. Nauarr. num. 44. quam ibidem ex S. Antonino docet esse tertiam horæ partem, ibidem. Alij putant medietatem horæ paratæ, apud Bonacin. loco citato num. 2. censet Ioann. Petrus Moneta nostri Ordinis, de distribut. part. 2. questione 3. num. 33. decimam partem esse notabilem. Placet mitior Lessij Bonacin. sententia, Horam paruam integram tantum esse materiam peccati mortalis, & infra eam esse ita modicam quantumcumque partem, vt Ecclesia non credatur ob eam facere velle reos ignis æterni.

Qui omittit Officium in primis sex mensibus ab adepta possessione beneficij, licet non amittat fructus, peccat tamen. Pius Quintus in Bulla apertè, Ex proximo Lateranensi.

Excusatur primò ob infirmitatem corporis iudicio Medici. Nauarr. capitulo 21. num. 16. & si res est adhuc dubia, accedat assensus Superioris, Sotus libro 10. de iustit. quest. 3. Neque tunc tenetur audire alium recitantem, Nauarr. cap. 11. num. 6. quod intellige de impotentia ad totum officium, vel ad maiorem partem eiusdem, in quibus casibus ad nihil tenetur; si verò potest recitare maiorem partem, vel æqualem, excusatur tantum à minori, vel æquali, quam non potest. Sanchez in Decal. tom. 1. lib. 1. cap. 19. num. 2. Secundò, cæcus excusatur, si cum socio non potest recitare, quem non habet. Nauarr. num. 13. quòd si bonam partem memoria teneat, eam recitet. num. 15. Tertio, infirmus, qui non facilè socium habet, quo cum possit sine sui præiudicio recitare, num. 19. idem Nauarr. Quarto, grauis occupatio excusat, quæ omitti nequit, neque differri sine aliorum offensione, & ea est ad longum tempus, vt desit tempus ad recitandum. Nauarr. num. 34. Quintò, iusta occupatio in Choro, querendi Psalmos alijs, incelandi, &c. Sanctus Antonin. part. 2. tit. 9. capit. 12. §. 3. cum Nauarr. cap. 11. numero 36. Sextò, non excusat autem peregrinatio

susce-